

清季四家詞

清季四家詞

彊邨語業卷二

歸安朱孝臧古微

木蘭花慢歲除苦雨兀坐篝燈賦此遣懷

洗梅根墮粉換年事雨聲中看蜜苕籠花粃槃添勝圍幕香
重樓東曙鴉未起黯歌塵猶顫好簾蘖吟興玉牋旋引曲游
金埒還慵懽悰半冷翠盤龍多事買吳蓬笑黃柑未擘洗
妝清靨慣溼春風相逢鏡屏夢底問歲寒宮袖幾時紅雙舉
流霞漫勸老懷翻惱瓊鍾

慶春宮結草庵拜半塘翁殯宮作

頽堞銜煙昏鐘閣水野鷗喚近清明華表羈魂黃壚吟伴暗
塵房檻深局斷雲玉笥感詞客依稀有靈新腔愁倚一殘泉

華還薦芳馨 哀絃凍折誰聽淒 唳修蘿山鬼逢迎蓬島塵
狂芝田日晏夢游翻羨騎鯨淚珠千斛拚一向寒原縱聲孤
留何事身世浮漚休問殘僧

烏夜啼

西樓一夜潺潺玉鑪殘 只有杏花同度五更寒 春潮長空
凝望木蘭船 不信歸期錦字更開看

柳梢青虞山蒙叟湖上句云主人要悟虛舟理但看紅
妝與翠微晨起獨至定香橋觀荷口占短章聊
爲叟語下作一轉倘所謂我轉法華也耶

一角風漪文鱗吹去錦羽捎回 蜺隊頰霞弄珠無力明鏡徘徊
虛舟自解忘機漫消領紅妝翠微三宿湖山廿年塵土

誰是誰非

燭影搖紅月夜汎舟裏湖徧串六橋并丁家山而歸山

椒一園歌鼓微曙

壓鏡秋姿四山濃黛和愁斂浴空蟾影轉斜河三五涼螢閃
清景人閒易欠洗閒情筒杯未釀翠波鐘罷歸盡連錢蜻蛉
孤汎欺月珠鐙隔花飄出閒闌檻亂催阿濫聒清宵魚鳥
應微厭殘晝滄洲半罨挂西峯蒼龍睽睽昏鴉醒未風外稀
疏重城更點

齊天樂

幽花一暝秋如夢慙慙翳鐙籠帳淚勻冰綃愁量錦瑟香咽
纖魂還傍淒風自颺卷葉葉羅衣冷薰空桁誰侶雛鶯夢游

分影夜江上 多情最憐小玉結連環短佩仙步來往舊月
鉤闌殘雲鏡奩供得閒人惆悵孤懽半強任落拓江湖楚腰
慵唱起玩涼星沸簾箏線響

西子妝叔問卜築竹格橋南水木明瑟遂營五畝證以
吳郡圖經跨流而東陂陀連蜷爲吳小城故墟
懷昔傷高連情發藻睠念去年結鄰之約幾時
可遂因次其韻

池粉濯妝市簫掣淚半染吳根殘土挂樵涼月照啼烏換當
年錦帆歌鼓吳春舊賦柰傾國不消再顧故宮顰臙瘦楊眉
樣斜陽愁處 鷗鄰阻竹粉連牆未辨雙屐步一尊還約看
山來做書簾淡蛾迎戶哀歌漫度問開徧棠梨誰主咽荒壕

夜夜漂花最苦

前調酬吳彥復

津柳著陰夜窗歇雨夢醒青山歸晚渺然華髮坐滄波怪十年故懷輕換清杯恨濺任拂拭星文鏤斷傍西風曉畫堂多少倦人殘燕西池宴屈戌銅鋪但有愁一片玉樓簾影至今垂睡冥冥翠瀛三淺迷陽唱倦倚沈醉蛾眉青眼怕重逢墨淚單衣漬滿

三姝媚秋夜餞北客離席聞歌感音成拍

燭花搖短夜撲簾衣新霜唳鴻來迓勸酌清吭是未秋雲鬢
泰孃聲價掩抑絃絃傳怨入吳蘭殘帕彩筆休辭無數閒愁
泥他陶寫門外酸風淒射又送客衰蘭短亭嘶馬換疊陽

關促翠筵圓月背人西下似酒流年禁幾度觥船狂瀉便逐
鷗夷歸舸滄江恨惹

齊天樂寒夜同麥孺博潘弼海

黃昏連樹拳鴉禁江寒笛聲不起擁葉驚波呼風斷角淒別
歸鸞千里鐙窗自倚漸冰折吳縣薄醪慵理尙有殘香夜深
不煥舊心字 荒雞空喚倦旅未應霜霰集誰整歸計箭水
繁聲櫺紗淡色落盡涼蟾無寐西樓翠被怕一夕將愁玉璫
難寄曙蠟紅啼夢痕持淚洗

渡江雲滬上遇伯弢旋復別去歌酒相勞聲爲此詞

江風殘酒夜輒潮半落帶夢卷迴帆斷鐙春尙淺濺淚看花
冷約背梅掩嘶騶罷躍漸領畧荒雪江南吟望低白頭誰侶

照坐有頽蟾 慙慙哀時詞賦送老關河攬尊前百感休更
將危闌煙柳分付何戡明朝照鬢秦淮綠怕雨昏風暝愁兼
歧路語重逢竟溼青衫

掃花游花朝微雪和夢窗

罨空淡色黯杏葉河梁燕風微峭凍波乍嫋卷愁心似惜亂
沙鷗老覷冷春紅細踢瑤光鏡曉喚吳棹怕幽約五湖花夢
稀到樓觀還縹緲是亂蜃飄寒碎玉凝照度春草草被瓊
妃斷卻翠溫簾窈倦笛飛梅怨咽江城變調柳絲早誤東園
鳳韉人掃

八聲甘州暮登靈巖絕頂叔問爲述半塘翁昔年聯棹

之游歌以抒懷用夢窗韻

倚蒼巖半暝拂春裾千鬟亂明星信閒僧指點愁香黏徑荒
翠通城故國鴟夷去遠斷網越絲腥消盡興亡感一墦鈴聲
招得秋魂來否對冷漪空酌渴夢難醒問琴絃何許飄淚
古臺青好湖山孤游翻嬾又咽風哀笛起前汀挖筇去小斜
廊路雙屨苔平

玉連環

花翻歌扇衣香卸夢雲低亞沙棠雙槩綺羅塵愁不耐滄波
瀉風定絮花凝榭晚鶯閒話不辭高館領春寒堅坐看斜
陽下

滿路花寒食酬叔問和美成韻

寒餘北嶼風晴壓東闌雪睡鳬香四汎鄰煙絕青門憶否十

里絲楊折玉牋連夢闊蠟苴灰枯漢宮尙鬪芳節 閒愁天
與杜宇聲聲血和春催去棹滄波接危闌拍徧纔信哀歌切
中坐絃能說說行路難爲君刻意傷別

前調清明再和簡叔問

闌枝過筆低鳥迹書落破泉香霏杏粥催新火花慙酒殢一
繭愁絲裏亂疊書圍坐薄午簾陰病懷惟稱頽卧 紅芳無
主權計年年左春湍流白日誰關鎖江湖滿地夢引樵風過
野鷗慵勝我一棹相尋世外應有人呵

卜算子

千片惱吳花接葉鶯調語睡燼明窗一穗煙夢響長廊雨
愁著倚闌時歌斷臨觴侶自惜流光輾轉看淚溼彌天絮

漁家傲

繞榻書籤兼畫幃。朦朧散帙何曾竟。老去不禁茶力猛。微睡醒。風爐煎朮供秋病。萬里碧雲生雁興。行行書破青天影。樓月半升簾薄暝。闌獨凭。商音滿耳無人聽。

香碗悒悒燈翳翳。冷螢開闔緣窗紙。着枕搜吟工夜計。無一字。瞢騰倦眼惟思閉。泣露哀蟲防短睡。夢回練幕涼於水。策策高林丸月底。中夜起。秋聲何與閒人事。

木蘭花慢

傍滄浪桂樹。素心寫小山。篇笑楚製荷衣。吳謳蕩節。萍泊何緣飛。仙素雲擁處。要手斟南斗。灑人間。不用流霞。灑引鏡中留得朱顏。幽禪一榻。煮茶煙絲鬢。幾年前。惜冥冥此意繁。

憂沈陸孤夢攀天鷗邊後期守定理雙綸同上五湖船莫話
滄桑事影湘心一碧潺然

洞仙歌丁未九月日

無名秋病已三年止酒但買萸囊作重九亦知非吾土強約
登樓閒坐到淡淡斜陽時候浮雲千萬態迴指長安卻是
江湖釣竿手衰鬢側西風故國霜多怕明日黃花開瘦問蟬
好秋光落誰家有獨客徘徊憑高雙袖

驀山溪吳城小市橋東聽楓園退樓老人誦古觴詠地

也予將僦居其間叔問爲相陰陽練時日且舉
宋詞人吳應之故事詞以張之依韻報謝兼抒

近懷

避風孱羽投老皋橋市流浪廿年蹤濯春波故情紉綺樵風
吟伴長負隔離杯珍重意覓枝巢分席閒鷗喜 塵樊海角
削迹疑無地獨樹老夫家譜紅梅豔題難繼壓天霜霰憔悴
舊山心三畝宅五湖帆怕說菟裘計

惜紅衣張園秋晚草木變衰昭倚扶病來游感話近事

和白石

倦侶哀時長謠送日斷愁無力病裏登臺霜林媚紅碧當脣
注酒持一笑剛腸從客喧寂涼雨雁聲識殊方棲息 明鏡
廣陌盈矧狂塵蒼波盪愁籍湛盧迸淚去國海西北斷得故
山歸思何地釣游尋厯醅晚英無語知是誰家秋色

前調晦鳴病山別五年矣荒江卧病音書寂寥病山郵

示新篇兼道晦鳴天南宦蹟漂零舊侶離憂如何
用白石韻寄晦鳴靖州遂報病山不勝歲寒之思
矣

萬感逃虛孤吟費日老來心力雁外封書蠻雲去天碧離羣
歲晚愁萬里閒關遷客音寂鐙枕倦醒咽滄波風息 干班
紫陌鳴殿春雷青蒲舊聲籍觚棱夢墮下國斗垂北手握楚
蘭何事不許九關攀厯料爨書緇罷瀝酒碧雞秋色

前調叔問暫客淞濱屏絕歌酒樓鐙坐雨兀對忘言重
感旅逸悄焉疊此

病減霜尊陰沈海日苦吟猶力定侶耽慵忘情遠山碧匡牀
踞晚聞去雁樓頭如客羈寂香燼籟沈閱濛濛千息 羅窗

粉陌百感無端飄花淚波籍樵風但戀水國送南北卻掃閉
關何用不斷亂愁來歷辦釣竿幽計斟酌石湖天色

荔支香近皋橋夜集送瞻園

凍靄官橋鐙颭雙畫艣透幕撼撼西風吹暝凌波路天東一
點涼蟾導客窺朱戶歌罷婀娜輕箏雁猶語游味淺漫拍
徧河梁句歲晚江空贏得倦鴻成侶紅燭樓心酒醒天涯斷
腸否夢委行雲一縷

點絳脣試鐙夜微雪和夢窗

明雪羅窗小梅清靨妝初洗試鐙風起飄斷行雲地漏轉
瓊籤說盡天涯事愁如水曉寒籠被春到檐聲裏

六醜滬上元夕和夢窗吳門元夕風雨韻

漸梅英墮粉翠幄煥花風新掣翦淞半江春綃冰暈滅密逗
芳節細漏丁東際繡旛雙影近寶臺高揭蕃街走馬嘶塵熱
霧絡消香波簾卷纈沈沈釀寒城闕被瓊簫成陣迤邐吹徹
吟悰漸歇況侵年苾髮記起傳柑事情味別春芳又遲鳴
鳩濺行雲倦趁曲坊巾韞銀荷燼鬧蛾飛絕不堪是擲徧金
錢換了舊時明月歌塵定猶旋迴雪聽笑語凝白闌干外清
鉛暗結

淡黃柳吳門重別瞻園

東風晚急吹得梅成雪眼看江城寒食節倒柳郵亭漸綠十
日相從正堪折 宴歌歇懽心賦春別打雙槳訪桃葉賸吳
天客雁寒無列後夜相思夢痕何處來往青溪淡月